



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

Christi praenunciatus est à prophetis aduentus, ad simulachra scilicet
delenda, ciuitatesq[ue] quae simulachra colebant. Cap. XVI.

urn:nbn:de:hbz:466:1-29861

quiū, nec iniuriam facere, nec accipere, modo Dei confidat præsidio, qui illi adest, auxiliumq; fert, ne à quoquā qui ipsi obtemperet, afficiatur incommodo. At quo pacto poterit quis sibiipsi opitulari, qui in Deo spem ponat? Ostdam equidem, erat inter duos prælium initum, & victoria anceps. Nemo igitur bene sanus incerta certis ante posuisset. Sed quomodo poterat qui fuisse tantas molestias & pericula expertus, de Dei præsentia & subsidio dubitare, cum semper rebus arduis Dei nutu & auxilio esset liberatus? qui etiam olim populo traijcenti mare mandato Domini ac seruatoris viam solidam per illud præbuerat, firme ad incedendum constratum, iter fecit. Hæc est planè, ut mea fert opinio, eximia fidei basis, hoc fundamentum fiduciae, cū intelligamus istas res admirabiles, incredibilesq;, quæ gestæ, confessæq; sunt, Dei prouidentis mandato fieri. Hinc enim existit, ut cū quis in malorum discriminem incidat, spemq; in Deo positam firmam teneat & immutabilem, ob fidem non illum omnino pœniteat. Ac cum talis habitus animo insitus sit, Deus domicilium suum in interiore eius locat cogitatione. Hic nulla iatione expugnari potest: nec certe anima Deum qui vinci nequit, suæ cogitationis complexu continens, à periculis, quæ forte circumuallant, omnino vinci poterit. Istud etiam experientia didicimus, nimirum ex Dei ipsius victoria omnibus sua prouidentia prospicientis, qui cum iniquè ab impiis contumelia esset affectus, nullum ex passione damnum contraxit, sed illustrissima victoriæ trophæa, & coronam æternam contra nequitiam egregie reportauit, & confracta profligataq; impiorum crudelitate, institutum suæ prouidentiae & amoris, quo iustos complectitur, ad exitum præclarè perduxit.

Christi prænunciatus est à prophetis aduentus, ad simulachra scilicet delenda, ciuitatesq; quæ simulachra colebant.

C A P. XVI.

AT qui passio illius, iam ante à prophetis prænunciata fuit, prænunciatus etiam eius ortus corporeus: prædictum tépus incarnationis, & quo pacto nefaria iniuriæ & intemperantiæ germina rectè factis & moribus ex iustitia informatis labefactata interirent, mundusq; vniuersus prudenter

CONSTANTINI ORATIO

détiæ & modestiæ particeps fieret, legisq; à seruatore sancte imperio per omniū fere animos propagato, & pietas syncera roboraretur, & vana penit^o deleretur superstitio. Cuius gratia nō solū animalium rationis expertiū cædes factæ fuerūt, sed etiā homines ex sacrificati & nefanda plenaq; sceleris, altaria excogitata, idq; legibus Assyriorum, AEgyptiorūq;; qui statuis, vel ex ære fusis, vel ex alia materia fabricatis, iustas piasq; animas victimarum loco mactarunt. Proinde fructum dignum tali religione tulerunt. vt illud: Memphis vastabitur & Babylon, & Solitariæ desertæq; ab incolis, vñā cum diis patriis relinquetur. Atque ista non auditione accipiens dico, sed ipse præsens oculis aspexi, miserabilisq; fortune istarum ciuitatum spectator fui. Moyses porro ex Dei mandato regionem Pharaonis per illud tempus potenter labefactauit. Quem insolentia elatum perfregit, & exercitum eius plurimarum fortissimarūq; gentium victorem præsidiis munitum, armisq; instructum, non coniectione telorum, non iaculorum ictu, sed sola preicatione, & obtestatione supplici deleuit.

*De Mosis sapientia, quam extranei quoque sapientes
tum admirati, tum imitati sunt, & de Daniele,
& de tribus pueris.*

C A P. X V I I.

NVllus autem illo populo beatior, vel fuit aliquando, vel iam esset, si non animos suos à spiritu sancto, tanquam abdicatione quadam ab alienauisset. At quid de Moysi pro dignitate satis dici potest? Qui populum confusione quadam turbatum, in ordinē rededit: qui leui persuasione & modestia eorum animos tranquillavit: qui illis pro seruitute libertatem reddidit, qui pro mœstitia lætitiam atulit, qui eosque eorum sensim prouexit animos, vt illi ipsi graui admodum in contrariam partem facta imitatione, & prospero rerum præclarè gestarum euentu, superbè & insolenter se efferrent: qui etiam tantū illis, qui ipsum aetate anteirent sapientia præstitit, vt sapientes & philosophi à Gentilibus plurimum prædicati, eius sapientiae æmuli & imitato res existerent. Pythagoras enim eius sapientiam imitatus, usque eo propter modestiam omnium sermone cele-